

Liujcouh:

“Cunh Gi Gapcin” Coenghrengz Cingcinj Vutgungz

柳州：“村企联姻”助力精准脱贫

4 nyied 2 hauh, Liujcouh Si banh aen hozdung “cunh gi gapcin·daih’it suhgi giet cin’gya”, 300 boux gungh-cozduiyenz roxnaeuz daih’it suhgi dangicujciz youq mbanj gungzhoj daj daengx si 6 yienhgih daeuj haenx,

caeuq 121 gya giyez bouxfucwz daeuj camgya aen hozdung neix gangjbaenz gietdoiq doxgap eiqnyienh, vih aen si neix hong cingcinj vutgungz dwkroengz giekdaej maenhsaed.

(Gungh Siengzyouj/龚祥友)



▲ Gyoengq dahsau eu fwen gingqlaeuj coux hekyouz.

Sanhgyangh:

Lijyouz Caeuq Vwnzva Yungzhab Yienj Yiengh Moq

三江：文旅融合气象新

Geij bi neix daeuj, Sanhgyangh Duncuz Swciyen cienzmienh gyagiengz guh hanghmoeg lijyouz, roengzrengz doihaeuj lijyouz canjbinj haifat, cienzmienh guh ndei hong guhgai lijyouz, roengzrengz doedok cawjdaez minzsuz, ciet minzcuz, baengh loh ndei loh vaiq caeuq minzcuz vwnzva swwhyen ndei, cawjdoengh yungzhaeuj aen gvaengx lijyouz hung Gvangjsih, Gvangjdungh, Huznanz, Gveicouh, roengzrengz sij ndei bien faenzcieng lijyouz caeuq vwnzva yungzhab, roengzrengz dawz Sanhgyangh guh baenz dieg-comz lijyouz minzcuz fungcingz caeuq diegaeubae.

Bineix daih’it geiqdoh, daengx yienh gungh ciepdaih hekyouz 108.4 fanh vunzbaez, saedyienh lijyouz sevei cungj souhaeuj 5.6 ik maenz.

(Gungh Bujganh/ 龚普康)



▲ Gyoengq yenjyenz caeuq gyoengq hekyouz diuqfoux caemh’angq.

► Gyoengq guenmbanj yiengq gyoengq giyez bouxfucwz cam doxgap saeh-hangh.



Lungzswng:Ndiepniemh Gwzming Senhlez Ciepsouh Gyaezguek Cuji Gyauyuz

龙胜：缅怀革命先烈 接受爱国主义教育



Youq ciet cingmingz gaxgonq, Lungzswng Gak Cuz Swciyen gak cungh siuj hagdanz cungj daiq hagseng doenggvaq guh vangjloz baiqniemh yinghlez, dingq gojgaeq gwzming banlaux, caezgya bae sauqmoh daengj hozdung, sawj hagseng swnjcienz maenhndei conzdungj, gagrox ciepsouh gyaez guek cuji gyauyuz.

(Banh Cisiengz/潘志祥)

◀Ndiepniemh gwzming senhlez.

Yungzanh:Cienzdoengj Geizhoih Angqyangz Lai

融安：传统会期欢乐多

4 nyied 1 hauh, dwg liggaueq ndwenngaih cibloeg, dwg Liujcouh Si Yungzanh Yen Dacieng Cin Lungzmyau Cunh cienzdoengj geizhoih bi gvaq mbat haenx, dangdieg gak cuz vunzlai doxcomz youq itheij, gawjhengz vwnzyi biujyienj, bengcag, ciengj bauqva daengj cienzdoengj minzcuz minzsuz hozdung, swnjcienz vwnzva cienzdoengj, mbaenjgouz rumz swnh fwn yinz, gaiqgaiq ndaej demsou, yinx ndaej seiqlengq vunzlai caeuq geij cien hekyouz daeuj cetyouz.

Ciuq saw lizsij geiq miz, dangdieg ndwenngaih cibloeg geizhoih gaenq miz bak bi lizsij.

(Danz Gaijhingh/谭凯兴)



▲ Myauzcuz mehmbwk langhyienj foux minzcuz.